

四庫全書

集部

欽定四庫全書

集部

御定全唐詩卷一百六十三

一至三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高中

騰綠監生臣孫鶴年

欽定四庫全書

御定全唐詩卷一百六十一

李白

李白字太白隴西成紀人涼武昭王嵩九世孫或曰山東人或曰蜀人白少有逸才志氣宏放飄然有超世之心初隱岷山益州長史蘇頲見而異之曰是子天才英特可比相如夫寶初至長安徃見賀知章知章見其文歎曰子謫仙人也言於明皇召見金鑾殿奏頌一篇帝

賜食親為調羹有詔供奉翰林白猶與酒徒飲於市帝
坐沈香亭子意有所感欲得白為樂章召入而白已醉
左右以水頰面稍解援筆成文婉麗精切帝愛其才數
宴見白常侍帝醉使高力士脫鞵力士素貴恥之摘其
詩以激楊貴妃帝欲官白妃輒沮止白自知不為親近
所容懇求還山帝賜金放還乃浪跡江湖終日沈飲永
王璘都督江陵辟為僚佐璘謀亂兵敗白坐長流夜郎
會赦得還族人陽冰為當塗令白往依之代宗立以左

拾遺名而白已卒文宗時詔以白歌詩裴旻劍舞張旭
草書為三絕云集三十卷今編詩二十五卷

古風

大雅久不作吾衰竟誰陳王風委蔓草戰國多荆榛龍
虎相啖食兵戈逮狂秦正聲何微茫哀怨起騷人揚馬
激頽波開流蕩無垠廢興雖萬變憲章亦已淪自從建
安來綺麗不足珍聖代復元古垂衣貴清真羣才屬休
明乘運共躍鱗文質相炳煥衆星羅秋旻我志在刪述

垂輝映千春希聖如有立絕筆於獲麟

蟾蜍薄太清蝕此瑤臺月圓光虧中天金魄遂淪沒
蝶竦入紫微大明夷朝暉浮雲隔兩曜萬象昏陰霏蕭蕭
長門宮昔是今已非桂蠹花不實天霜下嚴威沈歎終
永夕感我涕沾衣

秦皇掃六合虎視何雄哉飛

一作揮

劍決浮雲諸侯盡西

來明斷自天啟大畧駕羣才收兵鑄金人函谷正東開
銘功會稽嶺騁望瑯琊臺刑徒七十萬起土驪山隈尚

採不死藥茫然使心哀連弩射海魚長鯨正崔嵬額鼻
象五嶽揚波噴雲雷鬢髮蔽青天何由覩蓬萊徐市載
秦女樓船幾時迴但見三泉下金棺塋寒灰

鳳飛九千仞五章備綵珍銜書且虛歸空入周與秦橫
絕歷四海所居未得隣吾營紫河車千載落風塵藥物

秘海嶽採鉛青溪濱時登大樓山舉手

一作首

望仙真羽

駕滅去影颺車絕迴輪尚恐丹液遲志願不及申徒霜
鏡中髮羞彼鶴上人桃李何處開此花非我春唯應清

都境長與韓衆親

太白何蒼蒼星辰上森列去天三百里邈爾與世絕中

有綠髮翁披雲臥松雪不笑亦不語冥棲在巖穴我來

逢真人長跪問寶訣粲然啟玉齒

一作忽自哂

授以鍊藥說

銘骨傳其語竦身已電滅仰望不可及蒼然五情熱吾

將營丹砂永與世人別

代馬不思越越禽不戀燕情性有所習土風固其然

一作

其固然昔別雁門關今戍龍庭前驚沙亂海日飛雪迷胡

天蟻蟲生虎鷓心魂逐旌旃苦戰功不賞忠誠難可宣
誰憐李飛將白首沒三邊

五鶴西北來飛飛凌太清仙人綠雲上自道安期名兩
兩白玉童雙吹紫鸞笙去影忽不見回風送天聲我欲

一問之

一作舉首
速望之

飄然若流星願餐金光草壽與天齊

傾

一作客有鶴上仙飛飛凌太清揚言碧雲裏自道安
期名兩兩白玉童雙吹紫鸞笙飄然下倒影倏忽無

留形遺我金光草服之四體
輕將隨赤松去對博坐蓬瀛

咸陽二三月宮柳黃金枝綠幘誰家子賣珠輕薄兒日

暮醉酒歸白馬驕且馳意氣人所仰治遊方及時子雲
不曉事晚獻長楊辭賦達身已老草玄鬢若絲投閣良
可歎但為此輩嗤

莊周夢胡蝶胡蝶為莊周一體更變易萬事良悠悠乃
知蓬萊水復作清淺流青門種瓜人舊日東陵侯富貴
故一作如此營營何所求

齊有個儻生魯連特高妙明月出海底一朝開光曜却
秦振英聲後世仰末照意輕千金贈顧向平原笑吾亦

澹蕩人拂衣可同調

黃河走東溟白日落西海逝川與流光飄忽不相待春
容捨我去秋髮已衰改人生非寒松年貌豈長在吾當

乘雲螭吸景駐光彩

一作誰能學天
飛三秀與君採

松柏本孤直難為桃李顏昭昭嚴子陵垂釣滄波間身
將客星隱心與浮雲閒長揖萬乘君還歸富春山清風
灑六合邈然不可攀使我長歎息冥棲巖石間

君平既棄世世亦棄君平觀變窮太易探元化羣生寂

冥緞道論空簾閉幽情騶虞不虛來鶯鶯有時鳴安知
天漢上白日懸高名海客去已久誰人測沈冥

胡關饒風沙蕭索竟終古木落秋草黃登高望戎虜荒
城空大漠邊邑無遺堵白骨橫千霜嵯峨蔽榛莽借問
誰凌虐天驕毒威武赫怒我聖皇勞師事鼙鼓陽和變
殺氣發卒騷中土三十六萬人哀哀淚如雨且悲就行

役安得營農圃不見征戍兒豈知關山苦

一本此下有
爭鋒徒死節

東鉞皆庸豎戰士死萬
萊將軍獲圭組四句

李牧今不在邊人飼豺虎

燕昭延郭隗遂築黃金臺劇辛方趙至鄒衍復齊來奈
何青雲士棄我如塵埃珠玉買歌笑糟糠養賢才方知
黃鶴舉千里獨裴回

寶劍雙蛟龍雪花照芙蓉精光射天地雷騰不可衝一
去別金匣飛沈失相從風胡滅已久所以潛其鋒吳水
深萬丈楚山邈千重雌雄終不隔神物會當一作相逢

金華牧羊兒乃是紫煙客我願從之遊未去髮已白不
知繁華子擾擾何所迫崑山採瓊藥一作糕可以煉精魄

天津三月時千門桃與李朝為斷腸花暮逐東流水前
水復後水古今相續流新人非舊人年年橋上遊雞鳴
海色動謁帝羅公侯月落西上陽

一作上陽

餘輝半城樓

衣冠照雲日朝下散皇州鞍馬如飛龍黃金絡馬頭行
人皆辟易志氣橫嵩丘入門上高堂列鼎錯珍羞香風
引趙舞清管隨齊謳七十紫鴛鴦雙雙戲庭幽行樂爭
晝夜自言度千秋功成身不退自古多愆尤黃犬空歎

息綠珠成鸞讐何如鷗夷子散髮權

一作弄

扁舟

西嶽

一作上

蓮花山迢迢見明星素手把芙蓉虛步躡太

清霓裳曳廣帶飄拂昇天行邀我登雲臺高揖衛叔卿
恍恍與之去駕鴻凌紫冥俯視洛陽川茫茫走胡兵流
血塗野草豺狼盡冠纓

昔我遊齊都登華不注峯茲山何峻秀綠翠如芙蓉蕭
颯古仙人了知是赤松借予一白鹿自挾兩青龍含笑

凌倒景欣然願相從

一本此十句作一首

泣與親友別欲語再三

咽勗君青松心努力保霜雪世路多險艱白日欺紅顏

分手各千里去去何時還

一本此八句作一首

在世復幾時條如

飄風度空聞紫金經白首愁相誤撫已忽自笑沈吟為

誰故名利徒煎熬安得閒余步終留赤玉舄東上蓬萊

一作

山路秦帝如我求蒼蒼但煙霧

一本此十二句作一首

郢客吟白雪遺響飛青天徒勞歌此曲舉世誰為傳試
為巴人唱和者乃數千吞聲何足道歎息空淒然

秦水別隴首幽咽多悲聲胡馬顧朔雪躑躅長嘶鳴感
物動我心緬然含歸情昔視秋蛾飛今見春蠶生娟娟

桑柘葉萋萋柳垂榮急節謝流水羈心搖懸旌揮涕且
復去惻愴何時平

秋露白如玉團團下庭綠我行忽見之寒早悲歲促人
生鳥過目胡乃自結束景公一何愚牛山淚相續物苦
不知足得隴又望蜀人心若波瀾世路有屈曲三萬六
千日夜夜當秉燭

大車揚飛塵亭午暗阡陌中貴多黃金連雲開甲宅路
逢鬪雞者冠蓋何輝赫鼻息干虹蜺行人皆怵惕世無

洗耳翁誰知堯與跖

世道日交喪澆風散溥源不採芳桂枝反棲惡木根所以桃李樹吐花竟不言大運有興沒羣動爭飛奔歸來
廣成子去入無窮門

碧荷生幽泉朝日艷且鮮秋花冒綠水密葉羅青烟秀色空絕世馨香竟誰傳坐看飛霜滿凋此紅芳年結根未得所願託華池邊

燕趙有秀色綺樓青雲端睂目艷皎月一笑傾城歡常

恐碧草晚坐泣秋風寒
纖手怨玉琴清晨起長歎焉得
偶君子共乘雙飛鸞

容顏若飛電時景如飄風
草綠霜已白日西月復東華

鬢一作髮不耐秋颯然成衰蓬
古來賢聖人一一誰成功

君子變猿鶴小人為沙蟲
不及廣成子乘雲駕輕鴻

三季分戰國七雄成亂麻
王風何怨怒世道終紛拏
至人洞玄象高舉凌紫霞
仲尼欲浮海吾祖之流沙
聖賢

共淪沒臨岐胡咄嗟

玄風變太古道喪無時還擾擾季葉一作市井人雞鳴趨四

關但識金馬門誰一作詎知蓬萊山白首死羅綺笑歌無

時閒綠酒晒丹液青娥凋素顏一作萋萋千金骨風塵凋素顏大儒揮

金椎琢之詩禮間蒼蒼三珠樹冥目焉能攀

鄭客西入關行行未能已白馬華山君相逢平原里壁

遺鎬池君明年祖龍死秦人相謂曰吾屬可去矣一往

桃花源千春隔流水

籌收肅金氣西陸弦海月秋蟬號階軒感物憂不歇良

辰竟何許大運有淪忽天寒悲風生夜久衆星沒惻惻
不忍言哀歌逮明發

北溟有巨魚身長數千里仰噴三山雪

一作雲

橫吞百川

水憑陵隨海運燁赫因風起吾觀摩天飛九萬方未已
羽檄如流星虎符合專城喧呼救邊急羣鳥皆夜鳴白

日曜紫微三公運權衡天地皆得一澹然四海清借問

此何為荅言楚徵兵渡瀘及五月將赴雲南征

一作行怯

卒非戰士炎方難遠行

一作征

長號別嚴親日月慘光晶

泣盡繼以血心推兩無聲困獸當猛虎窮魚餌奔鯨千
去不一回投軀豈全生如何舞干戚一使有苗平

醜女來效顰還家驚四隣壽陵失本步笑殺邯鄲人一
曲斐然子雕蟲喪天真棘刺造沐猴三年費精神功成
無所用楚楚且華身大雅思文王頌聲久崩淪安得郢
中質一揮成斧斤

抱玉入楚國見疑古所聞良寶終見棄徒勞三獻君直
木忌先伐芳蘭哀自焚盈滿天所損沈冥道為羣東海

沈碧水西關乘紫雲魯連及柱史可以躡清芬

此詩一作感興

云竭來荆山客誰為珉玉分良寶絕見棄虛持三蘇君直木忘先伐芬蘭哀自焚盈滿天所損沈冥道所羣東

海有碧水西山多白雲魯連及夷齊可以躡清芬

燕臣昔慟哭五月飛秋霜庶女號蒼天震風擊齊堂精

誠有所感造化為悲傷而我竟何辜遠身金殿傍

一本無此

二句浮雲蔽紫闥白日難回光羣沙穢明珠衆草凌孤芳

古來共歎息流淚空霑裳

孤蘭生幽園衆草共蕪沒雖照陽春暉復悲高秋月飛

霜早浙瀝綠豔恐休歇若無清風吹香氣為誰發

登高望四海天地何漫漫霜被羣物秋風飄大荒寒榮
華東流水萬事皆波瀾白日掩徂輝浮雲無定端梧桐

巢燕雀枳棘棲鴛鴦且復歸去來

劍歌行 一作悲

路難

一作

登高望四海天地何漫漫霜被羣物秋風飄大荒寒殺
氣落喬木浮雲蔽層巒孤鳳鳴天倪遺聲何辛酸遊人
悲舊國撫心亦盤桓倚
劍歌所思曲終涕泗瀾

鳳飢不啄粟所食唯琅玕焉能與羣雞刺感一作感促爭一

餐朝鳴崑丘樹夕飲砥柱湍歸飛海路遠獨宿天霜寒

幸遇王子晉結交青雲端懷恩未得報感別空長歎

朝弄紫沂海

一作朝駕
碧鸞車

夕披丹霞裳揮手折若木拂此

西日光雲卧

一作
舉

遊八極玉顏已千

一作
如清

霜飄飄入無

倪稽首祈上皇呼我遊太素玉杯賜瓊漿一餐歷萬歲

何用還故鄉永隨長風去天外恣飄揚

一本無
此二句

搖喬雙白鷗鳴飛滄江流宜與海人狎豈伊雲鶴儔寄

形

一作
影

宿沙月泐芳戲春洲吾亦洗心者忘機從爾遊

周穆八荒意漢皇萬乘尊淫樂心不極雄豪安足論西

海宴王母北宮邀上元
瑤水聞遺歌玉杯竟空言
靈跡成蔓草徒悲千載魂

綠蘿紛歲蕤繚繞松柏枝
草木有所託歲寒尚不移
奈何天桃色坐歎對非詩
玉顏豔紅彩雲髮非素絲
君子恩已畢賤妾將何為

八荒馳驚飈萬物盡凋落
浮雲蔽頽陽洪波振大壑
龍鳳脫罔罟飄颻將安託
去去乘白駒空山詠場藿

一百四十年國容何赫然
隱隱五鳳樓峨峨橫三川
王

侯象星月賓客如雲煙

以上六句一作帝京信佳麗國容何赫然劍戟擁九闕歌鍾沸

三川蓬萊象天構珠翠誇雲仙

鬪雞金宮裏蹴踘瑤臺邊舉動搖白日

指揮回青天當塗何翕忽失路長棄捐獨有揚執戟閑

關草太玄

桃花開東園含笑誇白日偶蒙東風榮生

一作矜

此豔陽

質豈無佳人色但恐花不實宛轉龍火飛零落早相失

詎知南山松獨立自蕭颯

此詩一作感興云芙蓉嬌綠波桃李誇白日偶蒙春風榮

生此豔陽質豈無佳人色但恐花不實宛轉龍火飛零落互相失詎知凌寒松千載長守一

秦皇按寶劍赫怒震威神逐日巡海右驅石駕一作滄

津徵卒空九寓作橋傷萬人但求蓬島藥豈思農鴈春

力盡功不贍千載為悲辛

美人出南國灼灼芙蓉姿皓齒終不發芳心空自持由
來紫宮女共妬青蛾眉歸去瀟湘沚沈吟何足悲

宋國梧臺東野人得燕石一作宋人枉千金去國買燕石誇作天下珍

却哂趙王璧趙璧無緇磷燕石非貞真流俗多錯誤豈

知玉與珉

殷后亂天紀楚懷亦已昏
夷羊滿中野萊菔盈高門
比干諫而死屈平竄湘源
虎口何婉孌女嬃空嬋媛
彭咸久淪沒此意與誰論

青春流驚湍朱明

一作火

驟回薄不忍看秋蓬飄揚竟何

託光風滅蘭蕙白露洒葵藿

一作委蕭藿

美人不我期草木

日零落

戰國何紛紛兵戈亂浮雲
趙倚兩虎鬪晉為六卿分
姦臣欲竊位樹黨自相羣
果然田成子一旦殺齊君

倚劍登高臺悠悠送春日蒼榛蔽層丘瓊草隱深谷鳳
鳥鳴西海欲集無珍木鸞斯得所居蒿下盈萬族晉風

日已頽窮途方慟哭

以上六句一作翩翩浪鳥飛翔翔
在珍木羣花亦便娟榮耀非一族

歸來愴途窮
日暮還慟哭

齊瑟彈

一作
揮

東吟秦絃弄西音慷慨動顏魄

一作
色使人

成荒淫彼美佞邪子婉孌來相尋一笑雙白壁再歌千
黃金珍色不貴道詎惜飛光沈安識紫霞客瑤臺鳴素

一作
玉琴

越客採明珠提攜出南隅清輝照海月美價傾皇都獻
君君按劍懷寶空長吁魚目復相哂寸心增煩紆

羽族稟萬化小大各有依周周亦何辜六翮掩不揮願
銜衆禽翼一向黃河飛飛者莫我顧歎息將安歸

我到

一作行

巫山渚尋古登陽臺天空綵雲滅地遠清風來

神女去已久襄王安在哉荒淫竟淪替

一作沒

樵牧徒悲哀

惻惻泣路岐哀哀悲素絲路岐有南北素絲易變移萬
事固如此人生無定期田實相傾奪賓客互盈虧

世途多翻覆

一作谷風
刺輕薄

交道方嶮巖
斗酒強然諾
寸心

終自疑張陳
竟火滅蕭朱
亦星離衆鳥
集榮柯窮魚守

枯池嗟嗟失權

一作容勤
問何所規

一作悲

御定全唐詩卷一百六十一

欽定四庫全書

御定全唐詩卷一百六十二

李白

遠別離

遠別離古有皇英之二女乃在洞庭之南瀟湘之浦海
水直下萬里深誰人不言此離苦日慘慘兮雲冥冥猩
猩啼煙兮鬼嘯雨我縱言之將何補皇穹竊恐不照余
之忠誠雲一作雷憑憑兮欲吼怒堯舜當之亦禪禹君失

臣兮龍為魚權歸臣兮鼠變虎或言一作堯幽囚舜野

死九疑聯綿皆相似重瞳孤墳竟何一作誰是帝子泣兮

綠雲間隨風波兮去無還慟哭兮遠望見蒼梧之深山

蒼梧山崩湘水絕竹上之淚乃可滅

公無渡河

黃河西來決崑崙咆哮一作吼萬里觸龍門波滔天堯咨

嗟大禹理百川兒啼不窺家殺湍湮洪水九州始蠶麻

其害乃去茫然風沙被髮之叟狂而癡清晨臨一作徑流

欲奚為旁人不惜妻止之公無渡河苦渡之虎可搏河
難憑公果溺死流海渚有長鯨白齒若雪山公乎公乎

挂骨

一作骨

於其間墜篋所悲竟不還

蜀道難

噫吁戲危乎高哉蜀道之難難於上青天巖叢及魚鳧
開國何茫然爾來四萬八千歲不與秦塞通人煙西當
太白有鳥道可以橫絕峨眉巔地崩山摧壯士死然後

天梯石棧相

一作方

鈎連上有六龍回日之高標

一作橫河斷海

之浮雲

下有衝波逆折之回川黃鶴之飛尚不得過猿猱

欲度愁攀援

一作緣

青泥何盤盤百步九折縈巖巖捫參

歷井仰脅息以手撫膺坐長歎問君

一作征人

西遊何時

一作

當還畏途巉巖不可攀但見悲鳥號古

一作枯

木雄飛雌

從

一作呼雌一作從雌

繞林間又聞子規啼夜月愁空山蜀道之

難難於上青天使人聽此凋朱顏連峯去天不盈尺

一作

入煙幾千尺

枯松倒挂倚絕壁飛湍瀑流爭喧豗砅崖轉石

萬壑雷其險也如

一作若

此嗟爾遠道之人胡為乎來哉

劍閣崢嶸而崔嵬一夫當關萬夫一作莫開所守或匪

親一作人化為狼與豺朝避猛虎夕避長蛇磨牙吮血殺

人如麻錦城雖云樂不如早還家蜀道之難難於上青

天側身西望長咨一作令人嗟

梁甫吟

長嘯梁甫吟何時見陽春君不見朝歌屠叟辭棘津八

十西來釣渭濱寧羞白髮照清一作添水逢時吐一作壯氣

思經綸廣張三千六百釣風期一作雅暗與文王親大賢

虎變愚不測當年頗似尋常人君不見高陽酒徒起草

中長揖山東隆準公入門不拜

一作入門開說
一作一開游說

騁雄辯

兩女輟洗來趨風東下齊城七十二指揮

一作麾

楚漢如

旋蓬狂客

一作生

落魄

一作拓

尚如此何況壯士當羣雄我

欲攀龍見明主雷公砰訇震天鼓帝傍投壺多玉女三

時大笑開

一作生

電光倏爍晦冥起風雨閭闔九門不可

通以額扣闕闈者怒白日不照吾精誠杞國無事憂天

傾猱獠磨牙競人肉騶虞不折生草莖手接飛猱搏彫

虎側足焦原未言苦智者可卷愚者豪世人見我輕鴻
毛力排南山三壯士齊相殺之費二桃吳楚弄兵無劇
孟亞夫哈爾為徒勞梁甫吟梁甫吟聲正悲張公兩龍
劍神物合有時風雲感會起屠釣大人岷岷當安之

烏夜啼

黃雲城邊烏欲棲歸飛啞啞枝上啼機中織錦

一作閨中織婦

秦川

一作家

女碧紗如煙隔窗語停梭悵然憶遠人

一作向人

問故獨宿孤

一作空

房

一作欲說遠西

淚如雨

烏棲曲

姑蘇臺上烏棲時
吳王宮裏醉西施
吳歌楚舞歡未畢

青山欲

一作猶

銜半邊日
銀箭金壺

一作金壺

漏水多起看

秋月墜江波
東方漸高奈樂

一作爾

何

戰城南

去年戰桑乾源
今年戰蔥河道
洗兵條支海上
波放馬
天山雪中草
萬里長征戰
三軍盡衰老
匈奴以殺戮為

耕作古來唯見白骨黃沙田
秦家築城避

一作備

胡處漢

家還有烽火然烽火然不息征戰

一作長征

無已時野戰格

鬪死敗馬號鳴向天悲烏鳶啄人腸銜飛上挂枯樹枝

一作街飛上枯枝

士卒塗草莽將軍空爾為乃知兵者是凶器

聖人不得已而用之

將進酒

君不見黃河之水天上来奔流到海不復迴君不見高
堂明鏡悲白髮朝如青絲暮成雪人生得意須盡歡莫
使金樽空對月天生我材必有用千金散盡還復來烹

羊宰牛且為樂會須一飲三百盃岑夫子丹丘生將進

酒君一作杯莫停與君歌一曲請君為我側耳聽鐘鼓饌

玉不足貴一作鐘鼎玉但願長醉不願一作復醒古來聖

賢皆寂寞惟有飲者留其名陳王昔時宴平樂斗酒十

千恣謹謔主人何為言少錢徑須沽取對君酌五花馬

千金裘呼兒將出換美酒與爾同銷萬古愁

行行遊且獵篇

邊城兒生年不讀一字書但將遊獵誇輕趨胡馬秋肥

宜白草騎來躡影何矜

一作可憐

驕金鞭拂雪

一作雲

揮鳴鞘

半酣呼鷹出遠郊弓彎

一作彎

滿月不虛發雙鶴迸落連

飛鷗

一作鷗

海邊觀者皆辟易猛氣英風振沙磧儒生不

及遊俠人白首下帷復何益

飛龍引二首

黃帝鑄鼎於荆山鍊丹砂丹砂成黃金騎龍飛上太清
家雲愁海思令人嗟宮中綵女顏如花飄然揮手凌紫
霞從風縱體登鸞車登鸞車侍軒轅遨遊青天中其樂

不可言

鼎湖流水清且閒，軒轅去時有弓劍。古人傳道留其間，
後宮嬋娟多花顏。乘鸞飛煙亦不還，騎龍攀天造天關。
造天關，聞天語，長雲河車載玉女。載玉女，過紫皇，紫皇
乃賜白兔所擣之藥方。後天而老彫，三光下視瑤池見。
王母蛾眉蕭颯如秋霜。

天馬歌

天馬來出月支窟，背為虎文龍翼骨。嘶青雲振綠髮，蘭

筋權竒走滅沒騰崑崙歷西極四足無一蹙雞鳴刷燕

晡秣越神行電邁躡恍惚天馬呼飛龍趨目明長庚臆

雙鳧尾如流

一作煙

星首渴烏口噴紅光汗溝朱

一作珠

曾

陪時龍躡天衢羈金絡月照皇都逸氣稜稜凌九區白

壁如山誰敢沾回頭笑紫燕但覺爾輩愚天馬奔戀君

軒駮

音辣

躍驚矯浮雲翻萬里足躑躅遙瞻闔闔門不逢

寒風子誰採逸景孫白雲在青天

一本無青字

丘陵遠崔嵬

一作崔嵬

鹽車上峻坂倒行逆施畏日晚伯樂翦拂中道

遺少盡其力老棄之願逢田子方惻然為我悲

一作思 雖

有玉山禾不能療苦飢嚴霜五月凋桂枝伏櫪銜冤摧
兩眉請君贖獻穆天子猶堪弄影舞瑤池

行路難三首

金樽清酒斗十千玉盤珍羞直萬錢停杯投筯不能食
拔劍四顧心茫然欲渡黃河水塞川將登太行雪滿山

一作暗天

閒來垂釣碧

一作坐

溪上忽復乘舟夢日邊行路難

行路難多歧路今安在長風破浪會有時直挂雲帆濟

滄海

大道如青天我獨不得出羞逐長安社中兒赤雞白狗

一作賭梨栗彈劍作歌奏苦聲曳裾王門不稱情淮陰

市井笑韓信漢朝公卿忌賈生君不見昔時燕家重郭

隗擁篲折節

一作腰

無嫌猜劇辛樂毅感恩分輸肝剖膽

效英才昭王白骨縈爛

一作蔓

草誰人更掃黃金臺行路

難歸去來

有耳莫洗穎川水有口莫食首陽薇含光混世貴無名

何用孤高比雲月吾觀自古賢達人功成不退皆殞身

子胥既棄吳江上屈原終投湘水濱陸機雄才一作才多豈

自保李斯稅駕苦不早華亭鶴唳詎可聞上蔡蒼鷹何

足道君不見吳中張翰稱一作真達生秋風忽憶江東行

且樂生前一杯酒何須身後千載名

長相思

長相思在長安絡繹秋啼金井闌微一作凝霜淒淒簾色

寒孤燈不明一作寐思欲絕卷帷望月空長歎美人如花

一作佳
期迢迢

隔雲端上有青冥之長天下有淶水之波瀾天
長路遠魂飛苦夢魂不到關山難長相思摧心肝

上留田行

行至上留田孤墳何崢嶸積此萬古恨春草不復生悲
風四邊來腸斷白楊聲借問誰家地埋沒蒿里塋古老
向余言言是上留田蓬科馬鬣今已平昔之弟死兄不
葬他人於此舉銘旌一鳥死百鳥鳴一獸走百獸驚桓
山之禽別離苦欲去迴翔不能征田氏倉卒骨肉分青

天白日摧紫荆交柯之木本同形東枝顛顛西枝榮無
心之物尚如此參商胡乃尋天兵孤竹延陵讓國揚名
高風緬邈頽波激清尺布之謠塞耳不能聽

春日行

深宮高樓入紫清金作蛟龍盤繡

一作繡

楹佳人當窗弄

白日絃將手語彈鳴箏春風吹落君王耳此曲乃是昇
天行因出天池泛蓬瀛樓船感沓波浪驚三千雙蛾獻
歌笑搥鐘考鼓宮殿傾萬姓聚舞歌太平我無為人自

寧三十六帝欲相迎仙人飄翩下雲軒帝不去留鎬京
安能為軒轅獨往入宵冥小臣拜獻南山壽陛下萬古
垂鴻名

前有一樽酒行二首

一本無一字

春風東來忽相過金樽淥酒生微波落花紛紛稍覺多
美人欲醉朱顏酡青軒桃李能幾何流光欺人忽蹉跎
君起舞日西夕當年意氣不肯平
一作傾白髮如絲歎何
益

琴奏龍門之綠桐玉壺美酒清若空
催絃拂柱與君飲
看朱成碧顏始紅胡姬貌如花
當壚笑春風笑春風舞
羅衣君今不醉將一作安歸

夜坐吟

冬夜夜寒覺夜長沈吟久坐坐北堂
冰合井泉月入閨

金

一作青

缸青凝

一作凝明

照悲啼金

一作青

缸滅啼轉多掩妾

淚聽君歌歌有聲妾有情情聲合
兩無違一語不入意
從君萬曲梁塵飛

野田黃雀行

遊莫逐炎洲翠棲莫近吳宮燕吳宮火起焚巢一作窠

兩

一作窠

炎洲逐翠遭網羅蕭條兩翅蓬蒿下縱有鷹鷂奈若一作
爾何

箜篌謠

攀天莫登龍走山莫騎虎貴賤結交心不移唯有嚴陵
及光武周公稱大聖管蔡寧相容漢謠一斗粟不與淮
南春兄弟尚路人吾心安所從他人方寸間山海幾千

重輕言託朋友對面九疑峯開

一作多

花必早落桃李不

如松管鮑久已死何人繼其蹤

雉朝飛

麥隴青青三月時白雉朝飛挾兩雌錦衣繡翼何離襪

犢牧

一作犢沫

採薪感之悲春天和白日暖啄食飲泉勇氣

滿爭雄鬪死繡頸斷雉子班奏急管絃傾心酒美

一作傾心

美酒盡玉椀枯楊枯楊爾生稊

一作莠

我獨七十而孤棲彈

絃寫恨意不盡瞑目歸黃泥

上雲樂

金天之西白日所沒康老胡雛生彼月窟巉巖容儀戍
削風骨碧玉炁炁雙目瞳黃金拳拳兩鬢紅華蓋垂下
曉嵩嶽臨上唇不覩詭譎貌豈知造化神大道是文康
之嚴父元氣乃文康之老親撫頂弄盤古推車轉天輪
云見日月初生時鑄冶火精與水銀陽烏未出谷顧免
半藏身女媧戲黃土團作愚下人散在六合間濛濛若
沙塵生死了不盡誰明此胡是仙真西海栽若木東溟

植扶桑別來幾多時枝葉萬里長中國有七聖半路顏

洪

鴻一作

荒陞下應運起龍飛入咸陽赤眉立盆子白水

興漢光叱咤四海動洪濤為簸揚舉足躡紫微天關自

開張老胡感至德東來進仙侶五色師子九苞鳳皇是

老胡雞犬鳴舞飛帝鄉淋漓颯沓進退成行能胡歌獻

漢酒跪雙膝立

並一作

兩肘散花指天舉素手拜龍顏獻

聖壽北斗戾南山摧天子九九八十一萬歲長傾萬歲

一作年杯
一作壽杯

白鳩辭

一作夷則格上
白鳩拂舞辭

鏗鳴鐘考朗鼓歌白鳩引拂舞白鳩之白誰與隣霜衣
雪襟誠可珍含哺七子能平均食不噎一作咽性安馴首

農政鳴陽春天子刻玉杖鏤形賜者人白鷺一作鷹之一一作

亦白非純真外潔其色心匪仁闕五德無司晨胡為啄
我葭下之紫鱗鷹鷗鷓鴣貪而好殺鳳凰雖大聖不願
以為臣

日出行

一作日
出入行

日出東方隈似從地底來歷天又入海六龍所舍安在

哉其始與終古不息

一作其行終古不休息

人非元氣安得與之

久衰徇草不謝榮於春風木不怨落於秋天誰揮鞭策
驅四運萬物興歇皆自然羲和羲和汝奚汨沒於荒淫
之波魯陽何德駐景揮戈逆道違天矯誣實多吾將囊
括大塊浩然與溟滓同科

胡無人

巖風吹霜海草凋筋幹精堅胡馬驕漢家戰士三十萬

將軍兼領一作誰者霍嫖姚流星白羽腰間插劍花秋蓮光

出匣天兵照雪下玉關虜箭如沙射金甲雲龍風虎盡

交回太白入月敵可摧敵可摧旄頭滅履胡之腸涉胡

血懸胡青天上埋胡紫塞傍胡無人漢道昌一本此下有陛下之

壽三千霜但歌大風雲飛揚安得猛士兮守四方胡無人漢道昌五句

北風行

燭龍棲寒門光曜猶旦開日月照之何不及此唯有北風號怒天上来燕山雪花大如席片片吹落軒轅臺幽

州思婦十二月停歌罷笑雙蛾推倚門望行人念君長
城苦寒良可哀別時提劍救邊去遺此虎紋金鞞一作

釵

中有一雙白羽箭蜘蛛結網生塵埃箭空在人今戰

死不復回不忍見此物焚之已成灰黃河捧土尚可塞
北風雨雪恨難裁

俠客行

趙客縵胡纓吳鉤霜雪明銀鞍照白馬颯沓如流星十
步殺一人千里不留行事了拂衣去深藏身與名聞過

信陵飲脫劍膝前橫將炙啖朱亥持觴勸侯嬴三盃吐
然諾五嶽倒為輕眼花耳熱後意氣素霓生救趙揮金
槌邯鄲先震驚千秋二壯士烜赫大梁城縱死俠骨香
不慙世上英誰能書閣下白首太玄經

御定全唐詩卷一百六十二

欽定四庫全書

御定全唐詩卷一百六十三

李白

關山月

明月出天山蒼茫雲海間長風幾萬里吹度玉門關
漢下白登道胡窺青海灣由來征戰地不見有人還
戍客

望邊色

一作
邑

思歸多苦顏高樓當此夜歎息未應閒

一作

還

獨漉篇

獨漉水中泥水濁不見月不見月尚可水深行人沒越
鳥從南來胡鷹亦北渡我欲彎弓向天射惜其中道失
歸路落葉別樹飄零隨風客無所托悲與此同羅幃舒
卷似有人開明月直入無心可猜雄劍挂壁時時龍鳴
不斷犀象繡澀苔生國耻未雪何由成名神鷹夢澤不

顧鴟鳶為君一擊鵬搏

搏一作鵬九天

登高丘而望遠

登高丘望遠海六鼇骨已霜三山流安在扶桑半摧折
白日沈光彩銀臺金闕如夢中秦皇漢武空相待精衛
費木石鼃鼃無所憑君不見驪山茂陵盡灰滅牧羊之
子來攀登盜賊劫寶玉精靈竟何能窮兵黷武今如此
鼎湖飛龍安可乘

陽春歌

長安白日照春空綠楊結烟柔
東風披香殿前花始紅
流芳發色繡戶中繡戶中
相經過飛燕皇后輕身舞紫

宮夫人絕世

一作代

歌聖君三萬六千日歲歲年年奈樂

何

楊叛兒

君歌楊叛兒妾勸新豐酒何許寂闌人烏啼白門柳烏啼
隱楊花君醉留妾家博山爐中沈香火雙烟一氣凌
紫霞

雙燕離

雙燕復雙燕雙飛令人羨玉樓珠閣不獨棲金窗繡戶

長相見柏梁失火去因入吳王宮吳宮又焚蕩維畫巢
亦空憔悴一身在孀雌憶故雄雙飛難再得傷我寸心

中

山人勸酒

蒼蒼雲松落落綺皓春風爾來為阿誰蝴蝶忽然滿芳

草秀蒼霜雪顏桃花骨青髓綠長美好

一作秀蒼雪霜
桃花貌青髓綠

髮長
美好

稱是秦時避世人勸酒相歡不知老各守麋

一作
兔

鹿志耻隨龍虎爭歛起佐太子漢王

一作
皇

乃復驚顧謂

戚夫人彼翁羽翼成歸來商一作南山下泛若雲無情舉

觴酌巢由洗耳何獨一作太清浩歌望嵩嶽意氣還一作逸

相傾

于闐採花

于闐採花人自言花相似明妃一朝西入胡胡中美女
多羞死乃知漢地多名姝胡中無花可方比丹青能令
醜者妍無鹽翻在深宮裏自古妬蛾眉胡沙埋皓齒

鞠歌行

玉不自言如桃李魚目笑之下和耻楚國青蠅何太多
連城白壁遭讒毀荆山長號泣血人忠臣死為剛足鬼
聽曲知甯戚夷吾因小妻秦穆五羊皮買死百里奚洗
拂青雲上當時賤如泥朝歌鼓刀叟虎變磻谿中一舉
釣六合遂荒營丘東平生渭水曲誰識一作此老翁奈
何今之人雙目送飛一作鴻

幽澗泉

拂彼白石彈吾素琴幽澗愀兮流泉深善手明徽高張

清心寂歷似千古松颺颺兮萬尋中見愁猿弔影而危
處兮叫秋木而長吟客有哀時失職一作志而聽者淚淋
浪以霑襟乃緝商綴羽潺湲成音吾但寫聲發情於妙
指殊不知此曲之古今幽澗泉鳴深林

王昭君二首

漢家秦地月流影照

一作送

明妃一上玉關道天涯去不

歸漢月還從東海出明妃西嫁無來日燕支長寒雪作
花蛾眉憔悴沒胡沙生乏黃金枉圖畫死留青塚使人

嗟

昭君拂玉鞍上馬啼紅頰今日漢宮人明朝胡地妾

中山孺子妾歌

中山孺子妾特以色見珍雖然不如延年妹亦是當時
絕世人桃李出深井花豔驚上春一貴復一賤關天豈
由身芙蓉老秋霜團扇羞網塵戚姬髣髴一作入春市
萬古共悲辛

荊州歌

一作樂

白帝城邊足風波瞿塘五月誰敢過荆州麥熟繭成蛾
繅絲憶君頭緒多撥穀飛鳴奈妾何

雉子斑

一作設辟邪伎鼓
吹雉子斑曲辭

辟邪伎作鼓吹驚雉子斑之奏曲成喔咿振迅欲飛鳴
扇錦翼雄風生雙雌同飲啄趨悍誰能爭乍向草中耿
介死不求黃金籠下生天地至廣大何惜遂物情善卷
讓天子務光亦逃名所貴曠士懷朗然合太清

相逢行

相逢紅塵內高揖黃金鞭萬戶垂楊裏君家阿那邊

有所思

一作古有所思行

我思仙

一作佳

人乃在碧海之東隅海寒多天風白波連

山

一作天

倒蓬壺長鯨噴湧不可涉撫心茫茫淚如珠西

來青鳥東飛去願寄一書謝麻姑

久別離

別來幾春未還家玉窗五見櫻桃花况有錦字書開緘
使人嗟至此腸斷彼心絕雲鬟綠鬢罷梳一作攬結愁如

回飈亂白雪去年寄書報陽臺今年寄書重相催東風
兮東風為我吹行雲使西來待來竟不來落花寂寂委
青苔

白頭吟

錦水東北流波蕩雙鴛鴦雄巢漢宮樹雌弄秦草芳寧
同萬死碎綺翼不忍一作分雲間兩分張此時阿嬌正嬌

妬獨坐長門愁日暮但願君恩顧妾深豈惜黃金買詞
一作賦相如作賦得黃金丈夫好新多異心一朝將聘
將買

茂陵女文君因贈

賦一作

白頭吟東流不作西歸水落花

辭條羞故林免絲固

本一作

無情隨風任傾倒誰使女蘿

枝而來強縈抱兩草猶一心人心不如草莫卷龍鬚席

從他生網絲且留琥珀枕或有夢來時覆水再收豈滿

杯棄妾已去難重迴古來得意不相負祇今惟見青陵

臺

一作錦水東流碧波蕩雙駕驚雄巢漢官樹雌弄秦草芳相如去蜀謁武帝赤車駟馬生輝光一朝再覽

大人作萬乘忽欲凌雲翔閑道阿嬌失恩寵千金買賦要君王相如不憶貧賤日位高金多聘私室茂陵妹子

皆見求文君歡愛從此畢淚如雙泉水行墮紫羅襟五更雞三唱清晨白頭吟長吁不整綠雲鬢仰訴青天哀

怨深城崩杞梁妻誰道土無心東流不作西歸水落花
辭枝羞故林頭上玉燕釵是妾嫁時物贈君表相思羅
袖幸時拂莫捲龍鬚席從他生網絲且留琥珀枕還有
夢來時鶴鷗裘在錦屏上自君一挂無由披妾有秦樓
鏡照心勝照井願持照新人雙對可憐影覆水却收不
滿杯相如還謝文君迴古來得意不相負祇今惟有青
臺陵

採蓮曲

若耶谿傍採蓮女笑隔荷花共人語日照新妝水底明
風飄香袂一作袖空中舉岸上誰家遊冶郎三三五五暎
垂楊紫騮嘶入落花去見此踟躕空斷腸

臨江王節士歌

洞庭白波木葉稀燕鴻始入吳雲飛吳雲寒燕鴻苦風

號沙宿瀟湘浦節士悲秋

一作感

淚如雨白日當天心照

之可以事明主壯士憤雄風生安得倚天劍跨海斬長

鯨

司馬將軍歌

以代隴上健兒陳安

狂風吹古月竊弄章華臺北落明星動光彩南征猛將

如雲雷手中電擊

一作曳

倚天劍直斬長鯨海水開我見

樓船壯心目頗似龍驤下三蜀揚兵習戰張虎旗江中
白浪如銀屋身居玉帳臨河魁紫髯若戟冠崔嵬細柳
開營揖天子始知灞上為嬰孩羌笛橫吹阿鞬迴向月
樓中吹落梅將軍自起舞長劍壯士呼聲動九垓功成
獻凱見明主丹青畫像麒麟臺

君道曲

梁之雅歌有五
篇今作一章

大君若天覆廣運無不至軒后爪牙嘗先太山稽如心
之使臂小白鴻翼於夷吾劉葛魚水本無二土校一作

扶

可成牆積德為厚地

結襪子

燕南壯士吳門豪
筑中置鉛魚
隱刀感君恩
重許君命
太山一擲輕鴻毛

結客少年場行

紫燕黃金瞳啾啾
一作稜稜搖綠髮
平明相馳逐
結客洛門

東少年學劍術
凌轢白猿公
珠袍曳錦帶
匕首插吳鴻
由來萬夫勇
挾此生雄風
託交從劇孟
買醉入新豐
笑

盡一杯酒殺人都市中羞道易水寒從一作徒今日貫虹

燕丹事不立虛沒秦帝宮舞陽死灰人安可與成功

長干行二首

妾髮初覆額折花門前劇郎騎竹馬來遶牀弄青梅同居長千里兩小無嫌猜十四為君婦羞顏未嘗一作尚不開

低頭向暗壁千喚不一迴十五始展眉願同塵與灰常

存抱柱信豈一作恥上望夫臺十六君遠行瞿塘濼瀨堆

五月不可觸猿聲一作鳴天上哀門前遲一作慙行跡一一

生綠

一作蒼

苔苔深不能掃落葉秋風早八月胡蝶來

一作

黃雙飛西園草感此傷妾心坐愁紅顏老早晚下三巴
預將書報家相迎不道遠直至長風沙

憶妾

一作昔

深閨裏烟塵不曾識嫁與長干人沙頭候風

色五月南風興思君下

一作在

巴陵八月西風起想君發

揚子去來悲如何見少離別多湘潭幾日到妾夢越風
波昨夜狂風度吹折江頭樹森森暗無邊行人在何處
好乘浮雲驄佳期蘭渚東鴛鴦綠蒲上翡翠錦屏中自

憐十五餘顏色桃花紅那作商人婦愁水復愁風

此篇一作

張潮黃庭堅作李益

古朗月行

小時不識月呼作白玉盤又疑瑤臺鏡飛在白

青一作雲

端仙人垂兩足桂樹作

一作何

團團白兔搗藥成問言與

誰

一作誰與

餐蟾蜍蝕圓影大明夜已殘羿昔落九烏天人

清且安陰精此淪惑去去不足觀憂來其如何悽

一作惻

愴摧心肝

上之回

三十六離宮樓臺與天通閣道步行月美人愁烟空恩
踈寵不及桃李傷春風淫樂意何極金輿向回中萬乘
出黃道千旗揚彩虹前軍細柳北後騎甘泉東豈問渭
川老寧邀襄野童但慕

一作秋暮

瑶池宴歸來樂未窮

獨不見

白馬誰家子黃龍邊塞兒天山三丈雪豈是遠行時春
蕙忽秋草莎雞鳴西

一作曲

池風摧寒椽

一作椽

響月入霜

閨悲憶與君別年種桃齊蛾眉桃今百餘尺花落成枯
枝終然獨不見流淚空自知

白紵辭三首

揚清歌

一作音

發皓齒北方佳人東隣子且

一作旦

吟白紵

停淶水長袖拂面為君起寒雲夜卷霜海空胡風吹天

飄塞鴻玉顏滿堂樂未終館娃日落歌吹濛

一作中

月寒江清夜沈沈美人一笑千黃金垂羅舞榭揚哀音
郢中白雪且莫吟子夜吳歌動君心動君心冀君賞願

作天池雙鴛鴦一朝飛去青雲上

吳刀剪綵

綺一作

縫舞衣明妝麗服奪春暉揚眉轉袖若

雪飛傾城獨立世所稀激楚結風醉忘歸高堂月落燭
已微玉釵挂纓君莫違

鳴雁行

胡雁鳴辭燕山昨發委羽朝度關一一銜蘆枝南飛散
落天地間連行接翼往復還客居烟波寄湘吳凌霜觸
雪毛體枯畏逢矰繳驚相呼聞弦虛墜良可吁君更彈

射何為乎

妾薄命

漢帝寵

一作重

阿嬌貯之黃金屋咳唾落九天隨風生珠

玉寵極愛還歇妬深情却踈長門一步地不肯暫迴車

雨落不上天水覆難再

一作重難


奴君情與妾意各自東西

流昔日芙蓉花今成斷根草以色事他人能得幾時好

幽州胡馬客歌

幽州胡馬客綠眼虎皮冠笑拂兩隻箭萬人不可干彎

弓若轉月白雁落雲端雙雙掉鞭行遊獵向樓蘭出門
不顧後報國死何難天驕五單于狼戾好克殘牛馬散
北海割鮮若虎餐雖居燕支山不道朔雪寒婦女馬上
笑顏如頰玉盤翻飛射鳥獸花月醉雕鞍旄頭四光芒
爭戰若蜂攢白刃灑赤血流沙為之丹名將古誰是疲
兵良可歎何時天狼滅父子得閒安



御定全唐詩卷一百六十三

欽定四庫全書

集部

御定全唐詩卷一百六十四
七
四至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高中

謄錄監生臣蔡齊明

欽定四庫全書

御定全唐詩卷一百六十四

李白

門有車馬客行

門有車馬賓

一作客

金鞍曜朱輪謂從丹

一作雲

霄落乃是

故鄉親呼兒掃中堂坐客論悲辛對酒兩不飲停觴淚

盈巾歎我萬里遊飄飄三十春空談帝

一作霸

王略紫綬

不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼
隣北風揚胡沙埋翳周與秦大運且如此蒼穹寧匪仁
惻愴竟何道存亡任大鈞

君子有所思行

紫閣連終南青冥天倪色凭崖望咸陽宮闕羅北極萬
井驚畫出九衢如弦直渭水銀河清

一作清
銀河

橫天流不

息朝野盛文物衣冠何翕艷廢馬散連山軍容威絕域
伊臯運元化衛霍輸筋力歌鐘樂未休

一作榮
去老還
休明

逼圓光過滿缺太陽移中昃不散東海金何爭西飛

一作

輝匿無作牛山悲惻愴淚沾臆

東海有勇婦

代關中有賢女

梁山感杞妻慟哭為之傾金石忽整開都由激深情東

海有勇婦何慚蘇子卿學劍越處子超然

一作騰

若流星

捐軀報夫讐萬死不顧生白刃耀素雪蒼天感精誠十

步兩躩

一作跳

躍三呼一交兵斬首掉國門蹴踏五藏行

豁此伉儷憤粲然大義明北海李使

一作府

君飛章奏天

庭捨罪警風俗流芳播滄瀛名

一作志

在列女籍竹帛已

光滌溥于免詔獄漢主為緹縈津妾一櫂歌脫父於嚴
刑十子若不肖不如一女英豫讓斬空衣有心竟無成
要離殺慶忌壯夫所素

一作素所

輕妻子亦何辜焚之買虛

聲豈如東海婦事立獨揚名

黃葛篇

黃葛生洛溪黃花自綿幕青烟蔓長條繚繞幾百尺閨
人費素手採緝作締紵縫為絕國衣遠寄日南客蒼梧

大火落暑服莫輕擲此物雖過時是妾手中跡

白馬篇

龍馬花雪毛金鞍五陵豪秋霜切玉劍落日明珠袍鬪
雞事萬乘軒蓋一何高弓推南山虎手接太行猱酒後
競風采三杯弄寶刀殺人如剪草劇孟同遊遨發憤去

函谷從軍向臨洮叱咤萬戰場

一作經
百戰

匈奴盡奔逃

一作

波歸來使酒氣未肯拜

一作

蕭曹羞入原憲室荒淫

一作

徑
隱蓬蒿

鳳吹笙曲

一作鳳笙
篇送別

仙人十五愛吹笙，學得崑丘彩鳳鳴。始聞鍊氣餐金液，
復道朝天赴玉京。玉京迢迢幾千里，鳳笙去去無窮一作

邊。已欲歎離聲，發絳唇更嗟別調。流纖指此時惜別，詎
堪聞此地相看，未忍分重吟真曲。和清吹却奏仙歌響，
綠雲綠雲紫氣向函關。訪道應尋緱氏山，莫學吹笙王
子晉。一遇浮丘斷不還。

怨歌行

長安見內人出嫁
友人令余代為之

十五入漢宮花顏笑春紅君王選玉色侍寢金屏

一作錦幙

中薦枕嬌夕月卷衣戀春

一作香

風寧知趙飛燕奪寵恨

無窮沈憂能傷人綠鬢成霜蓬一朝不得意世事徒為

空鷓鴣換美酒舞衣罷雕龍

一作龍

寒苦不忍言為君奏

絲桐腸斷絃亦絕悲心夜忡忡

塞下曲六首

五月天山雪無花祇有寒笛中聞折柳春色未曾看
曉戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚握
雪海上餐拂沙隴頭寢何當破月氐然後方高枕

駿馬似

一作如

風颺鳴鞭出渭橋彎弓辭漢月插羽破天

驕陣解星芒盡營空海霧消功成畫麟閣獨有霍嫖姚
白馬黃金塞雲砂遶夢思那堪愁苦節遠憶邊城兒
螢飛秋窗滿月度霜閨遲摧殘梧桐葉蕭颯沙棠枝無時
獨不見流淚空自知

塞虜乘秋下天兵出漢家將軍分虎竹戰士臥龍沙邊

月隨弓影胡霜拂
劍花玉闕殊未入
少婦莫長嗟

烽火動沙漠連照甘泉雲
漢皇按劍起還召李將軍兵

一作殺氣天上合鼓聲隴底聞
橫行負勇氣一戰淨妖氛

來日大難

來日一身携糧負薪道長
一作長鳴食盡苦口焦唇今日醉

飽樂過千春仙人相存誘我遠
學海凌三山陸憩五嶽

乘龍天飛目瞻兩角授以仙
一作神藥金丹滿握螭蛄蒙

恩深愧短促思填東海強銜一木道
重天地軒師廣成

蟬翼九五以求長生下士大笑如蒼蠅聲

塞上曲

大漠無中策匈奴犯渭橋五原秋草綠胡馬一何驕
命將征西極橫行陰山側燕支落漢家婦女無華色
轉戰渡黃河休兵樂事多蕭條清萬里瀚海寂無波

玉階怨

玉階生白露夜久侵羅襪却下水晶簾玲瓏望秋月

襄陽曲四首

襄陽行樂處歌舞白銅鞮江城回滌水花月使人迷

山公醉酒時酩酊高

一作襄

陽下頭上白接鬮倒著還騎

馬

峴山臨漢江水綠沙如雪

一作水色如霜雪

上有墮淚碑青苔

久磨滅

且醉習家池莫看墮淚碑山公欲上馬笑殺襄陽兒

大堤曲

漢水臨

一作橫

襄陽花開大堤暖佳期大堤下淚向南雲

滿春風無復

一作復無

情吹我夢魂散不見眼中人天長音

信斷

宮中行樂詞八首

奉詔作有所感欲

得白為樂章召入明皇坐沈香亭意

而白已醉左右以水潑面稍解援筆成文婉麗精切

小小生金屋盈盈在紫微山花插寶髻石竹繡羅衣每

出

一作上

深宮裏常隨步輦歸只愁歌舞散

一作罷

化作綵

雲飛

柳色黃金嫩梨花白雪香玉樓巢

一作關

翡翠金

一作珠

殿

鎖鴛鴦選妓隨雕

一作朝

輦徵歌出洞房宮中誰第一飛

燕在昭陽

盧橘為秦樹蒲萄出漢宮
烟花宜落日絲管醉春風
笛

奏龍吟水簫鳴鳳下空君王多樂事
還與萬方同

一作何必

中
向回

玉樹

一作殿

春歸日

一作好

金宮樂事多後庭朝未入輕輦

夜相過笑出花間語
嬌來竹

一作燭

下歌莫教明月去留

著醉嫦娥

繡戶香風暖紗窗曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自一作生相親

今日明光裏還須結伴遊春風開紫殿天樂下朱樓豔

舞全知巧嬌歌半欲羞更憐花月夜宮女笑藏鉤

寒雪梅中盡春風柳上歸宮鶯嬌欲醉簷燕語還飛遲

日明歌席新花艷舞衣晚米移綵仗行樂泥光輝

水綠南薰殿花紅北闕樓鶯歌聞太液鳳吹繞瀛洲素

女鳴珠珮天人弄綵毬今朝風日好宜入未央遊

清平調詞三首

天寶中白供奉翰林禁中初重木芍藥得四本紅紫淺紅通白

者移植於興慶池東沈香亭會花開上乘照夜白太真妃以步輦從詔選梨園中弟子尤者得樂一十六色李龜年以歌擅一時手捧檀板押衆樂前欲歌之上曰賞名花對妃子馬用舊樂詞遂命龜年持金花牋宣賜李白立進清平調三章白承詔宿醒未解因援筆賦之龜年歌之太真持頗梨七寶杯酌西涼州蒲萄酒笑領歌詞意甚厚上因調玉笛以倚曲每曲徧將換則遲其聲以媚之太真飲罷斂繡巾重拜上自是顧李翰林尤異於諸學士

雲想衣裳花想容春風拂檻露華濃若非羣玉山頭見

會向瑤臺月下逢

一枝穠

一作紅

豔露凝香雲雨巫山枉斷腸借問漢宮誰

得似可憐飛燕倚新妝

名花傾國兩相歡長得君王帶笑看解釋春風無限恨
沈香亭北倚闌干

入朝曲

一作鼓吹
入朝曲

金陵控海浦淶水帶吳京鏡歌列騎吹颯沓引公卿
槌鐘速嚴妝伐鼓啟重城天子憑玉几一作紫劍履若雲行

日出照萬戶
簪裾爛明星
朝罷沐浴閒
遨遊閭風亭
濟

濟雙闕下歡娛樂恩榮

秦女休行

魏協律都尉左延年所作今擬之

西門秦氏女秀色如瓊花手揮白楊刀

一作刃

清書殺讐

家羅袖灑赤血英氣

一作聲

凌紫霞直上西山去關吏相

邀遮堦為燕國王身被詔獄加犯刑若履虎不畏落爪
牙素頸未及斷推着伏泥沙金雞忽放赦大辟得寬賒
何慙聶政姊萬古共驚嗟

秦女卷衣

天子居未央妾侍一作來卷衣裳顧無紫宮寵敢拂黃金

牀水至亦不去熊來尚可當微身奉一作捧日月飄若瑩

之一一作火願君采葑菲無以下體妨

東武吟

一作出東門後書懷留別翰林諸公又作還山留別金門知己

好古笑流俗素聞賢達風方希佐明主長揖辭成功白
日在髙天迴光燭微躬恭承鳳凰詔歟起雲蘿中清切

紫霄一作垣迴優游丹禁通君王賜顏色聲價凌烟虹乘

輿擁翠蓋扈從金城東寶馬麗絕景錦衣入新豐依一作

倚巖望松雪對酒鳴絲桐因學揚子雲獻賦甘泉宮天

書美片善清芬播無窮歸來入一作向咸陽談笑皆王公

一本無此二句一朝去金馬飄落成飛蓬賓客一作友日踈散玉

樽亦已空一作日成空才力猶可倚一作恃不慙世上雄閒作

東武吟曲盡情未終書此謝知己吾尋黃綺翁一作扁舟尋釣

翁

邯鄲才人嫁為廝養卒婦

妾本崇一作叢臺女揚蛾入丹闕自倚顏如花寧知有凋

卷一百六十四
歌一辭玉階下去若朝雲沒每憶邯鄲城深宮夢秋月
君王不可見惆悵至明發

出自薊北門行

虜陣橫北荒胡星耀精芒羽書速驚電烽火晝連光虎
竹救邊急戎車森已行明主不安席按劍心飛揚推轂
出猛將連旗登戰場兵威衝絕幕殺氣凌穹蒼列卒一作

陣赤山下開營紫塞傍孟冬一作秋風沙緊旌旗颯凋傷

畫角悲海月征衣卷天霜揮刃斬樓蘭彎弓射賢一作

王單于一平蕩種落自奔亡收功報天子行歌

一作歸歌舞

咸陽

洛陽陌

白玉誰家郎回車渡天津看花東陌上驚動洛陽人

北上行

北上何所苦北上緣太行磴道盤且峻巉巖凌穹蒼馬
足蹶側石車輪摧高岡沙塵接幽州烽火連朔方殺氣
毒劍戟嚴風裂衣裳奔鯨夾黃河鑿齒屯洛陽前行無

歸日返顧思舊鄉，慙戚冰雪裏，悲號絕中腸。尺布不掩體，皮膚劇枯桑。汲水澗谷阻，採薪隴坂長。猛虎又掉尾，磨牙皓秋霜。草木不可餐，飢飲零露漿。歎此北上苦，停驂為之傷。何日王道平，開顏覩天光。

短歌行

白日何短短，百年苦易滿。蒼穹浩茫茫，萬劫太極長。麻姑垂兩鬢，一半已成霜。天公見玉女，大笑億千場。吾欲攬六龍，迴車挂扶桑。北斗酌美酒，勸龍各一觴。富貴非

所願與

一作

人駐顏

一作

顏光

空城雀

嗷嗷空城雀身計何戚促本與鷓鴣羣不隨鳳凰族提
攜四黃口飲乳未嘗足食君糠粃餘嘗恐烏鳶逐一作
恥涉太行險羞營覆車粟天命有定端守分絕所欲

御定全唐詩卷一百六十四

欽定四庫全書

御定全唐詩卷一百六十五

李白

發白馬

將軍發白馬旌節度黃河簫鼓聒川嶽滄溟湧濤

一作洪

波武安有振瓦易水無寒歌鐵騎若雪山飲流涸溇沱
揚兵獵月窟轉戰畧朝那倚劔登燕然邊烽列嵯峨蕭
條萬里外耕作五原多一掃清大漠包虎戢金戈

陌上桑

美女渭橋東

一作細綺衣

春還事蠶作五馬如飛龍

一作青花

絲結金絡不知誰家子調笑來相謔妾本秦羅敷玉顏
豔名都綠條暎素手採桑向城隅使君且不顧况復論
秋胡寒蠶愛碧草鳴鳳棲青梧託心自有處但怪傍人
愚徒令白日暮高駕空踟躕

枯魚過河泣

白龍改常服偶被豫且制誰使爾為魚徒勞訴天帝作

書報鯨鮓勿恃風濤勢
濤落歸泥沙翻遭螻蟻噬
萬乘

慎出入柏人以為識

一作誠

丁督

一作都

護歌

雲陽上征去兩岸饒商賈
吳牛喘月時拖船一何苦
水

濁不可飲壺漿半成土
一唱督

一作都

護歌心摧淚如雨

萬人鑿盤石無由達
江許君看石芒碭掩淚悲千古

相逢行

朝騎五花馬謁帝出銀臺
秀色誰家子雲車

一作中

珠箔

開金鞭遙指點玉勒近遲回夾轂相借問疑一作從天

上來感

邀一作

入青綺門當歌共銜杯

一作嬌羞初解珮語笑共銜杯

銜

杯映歌扇似月雲中見相見不得一作親不如不相見

相見情已一作情深未語可知心胡為守空閨孤眠愁錦

衾錦衾與羅幃纏綿會有時春風正澹蕩暮雨來何遲

願因三青鳥更報長相思光景不待人須臾髮成絲當

年失行樂老去徒傷悲持此道密意毋令曠佳期一本長相

思下無此六句

千里思

李陵沒胡沙蘇武還漢家迢迢五原關朔雪亂邊花

一作

愁見雪如花

一去隔絕國思歸但長嗟鴻雁向西北因

一作飛

書報天涯

樹中草

鳥銜野田草誤入枯桑裏客土植危根逢春猶不死草
木雖無情因依尚可生如何同枝葉各自有枯榮

君馬黃

君馬黃我馬白馬色雖不同人心本無隔共作遊冶盤
雙行洛陽陌長劍既照耀高冠何艷赫各有千金裘俱
為五侯客猛虎落陷穽壯夫時屈厄相知在急難獨好

亦

一作

何益

擬古

融融白玉輝映我青蛾眉寶鏡似空水落花如風吹出
門望帝子蕩漾不可期安得黃鶴羽一報佳人知

折楊柳

垂楊拂綠水搖豔

一作豔

東風年花明玉闌雪葉暖金牕

烟美人結長想

一作恨

對此

一作相對

心淒然攀條折春色遠

寄龍庭前

一作沙邊

少年子

青雲年少

一作少年

子挾彈章臺左鞍馬四邊開突如流星

過金丸落飛鳥夜入瓊樓卧夷齊是何人獨守西山餓

紫騮馬

紫騮行且嘶雙翻碧玉蹄臨流不肯渡似惜錦障泥白

雪關山

一作城

遠黃雲海戍

一作樹

迷揮鞭萬里去安得念

一作戀春閨

少年行二首

擊筑飲美酒
劒歌易水滑
經過燕太子
結託并州兒
少

年負壯氣奮烈
自有時因擊

一作聲

魯句踐爭博
勿相欺

五陵年少金市東
銀鞍白馬度春風
落花踏盡遊何處
笑入胡姬酒肆中

白鼻騮

銀鞍白鼻騮綠地障泥錦細雨春風花落時

一作春風細雨落花

時揮鞭直一作且就胡姬飲

豫章行

胡風吹代馬一作燕人北擁魯陽關吳兵照海雪西討

一作燕人

何時還半渡上遼津黃雲慘無顏老母與子別呼天野

草間白馬一作百鳥繞旌旗悲鳴相追攀白楊秋月苦早落

豫章山本為休明人斬虜素不閑豈惜戰鬥死為君掃
兇頑精感石沒羽豈云憚險艱樓船若鯨飛波蕩落星

灣此曲不可奏三軍鬢成斑

沐浴子

沫芳莫彈冠浴蘭莫振衣處世忌太潔至

一作志

人貴藏

暉滄浪有釣叟吾與爾同歸

高句驪

金花折風帽白馬小遲回翩翩舞廣袖似鳥海東來

舍利弗

金繩界寶地珍木蔭瑤池雲間妙音奏天際法蠶吹

靜夜思

牀前看月光疑是地上霜
舉頭望山月低頭思故鄉

淶水曲

淶水明秋月一作日
南湖採白蘋
荷花嬌欲語
愁殺蕩舟人

人

鳳凰曲

羸女吹玉簫
吟弄天上春
青鸞不獨去
更有攜手人
影滅彩雲斷
遺聲落西秦

鳳臺曲

嘗聞秦帝女傳得鳳凰聲是日逢仙子當時別有情人
吹綵簫去天借綠雲迎曲一作心在身不返空餘弄玉名

從軍行

從軍玉門道逐虜金微山笛奏梅花曲刀開明月環鼓
聲鳴海上兵氣擁雲間願斬單于首長驅靜鐵關

秋思

春陽如昨日碧樹鳴黃鸝蕪然蕙草暮颯爾涼風吹天

秋木葉下月冷莎雞悲坐愁羣芳歇白露凋華滋

春思

燕草如碧絲秦桑低綠枝當君懷歸日是妾斷腸時春
風不相識何事入羅幃

秋思

燕支

一作關氏

黃葉落妾望自

一作白

登臺海上

一作月出

碧雲斷

單于

一作蟬聲

秋色來胡兵沙塞合漢使玉關回征客無歸

日空悲蕙草摧

子夜吳歌

一作子夜
四時歌

春歌

秦地羅敷女採桑涿水邊
素手青條上紅妝白日鮮
蠶飢妾欲去五馬莫留連

夏歌

鏡湖三百里菡萏發荷花
五月西施採人看隘若耶
回舟不待月歸去越王家

秋歌

長安一片月萬戶擣衣聲秋風吹不盡總是玉關情何
日平胡虜良人罷遠征

冬歌

明朝驛使發一夜絮征袍素手抽針冷那堪把剪刀裁
縫寄遠道幾日到臨洮

對酒行

松子栖金華安期入蓬海此人古之仙羽化竟何在浮
生速流電倏忽變光彩天地無凋換容顏有遷改對酒

不肯飲含情欲誰待

估客行

一作樂

海客乘天風將船遠行役譬如雲中鳥一去無蹤跡

擣衣篇

閨裏佳人年十餘
嘯蛾對影恨離居
忽逢江上春歸燕
銜得雲中尺素書
玉手開絨長歎息
狂一作征夫猶戍交

河北萬里交河水
北流願為雙燕泛
中洲君邊雲擁青
絲騎妾處苔生紅
粉樓樓上春風日
將歇誰能攬鏡看

愁髮曉吹負管隨落花夜擣戎衣向明月明月高高刻
漏長真珠簾箔掩蘭堂橫垂寶幄同心結半拂瓊筵蘇
合香瓊筵寶幄連枝錦燈燭熒熒照孤寢有便憑將金
剪刀為君留下相思枕摘盡庭蘭不見君紅巾拭淚生
氤氳明年若更征邊塞願作陽臺一段雲

少年行

此詩嚴粲
云是偽作

君不見淮南少年游俠客白日球獵夜擁擲呼盧百萬
終不惜報讐千里如咫尺少年游俠好經過渾身裝束

皆綺羅蕙蘭相隨喧妓女風光去處滿笙歌驕矜自言
不可有俠士堂中養來久好鞍好馬乞與人十千五千
旋沽酒赤心用盡為知己黃金不惜栽桃李桃李栽來
幾度春一回花落一回新府縣盡為門下客王侯皆是
平交人男兒百年且樂命何須徇一作請書受貧病男兒
百年且榮身何須徇節甘風塵衣冠半是征戰士窮儒
浪作林泉民遮莫枝根長百丈不如當代多還往遮莫
姻親連帝城不如當身自簪纓看取富貴眼前者何用

悠悠身後名

長歌行

桃李待

一作得

日開榮華照當年東風動百物草木盡欲

言枯枝無醜葉涸水吐清泉大力運天地義和無停鞭
功名不早著竹帛將何宣桃李務青春誰能貫白日富
貴與神仙蹉跎成兩失金石猶銷鑠風霜無久質畏落
日月後強歡

一作飲

歌與酒秋霜不惜人倏忽侵蒲柳

長相思

日色已盡花含烟月明欲素愁不眠趙瑟初停鳳凰柱
蜀琴欲奏鴛鴦絃此曲有意無人傳願隨春風寄燕然
憶君迢迢隔青天昔日一作時橫波目今成流淚泉不信
妾腸斷歸來看取明鏡前

美人在時花滿堂美人去後空

一作花

餘

一作餘空

牀牀中繡

被卷不寢

一作更不卷

至今三載猶聞香

一作聞餘香

香亦竟不

滅人亦竟不來相思黃葉落

一作盡

白露點

一作濕

青苔

此篇

一作寄遠

猛虎行

此詩蕭士贇云是偽作

朝作猛虎行暮作猛虎吟腸斷非關隴頭水淚下不為

雍門琴旌旗

一作旌

繽紛兩河道戰鼓驚山欲顛

一作傾

倒

秦人半作燕地囚胡馬翻銜洛陽草一輸一失關下兵

朝降夕叛幽薊城巨鼇未斬海水動魚龍奔走安得寧

頗似楚漢時翻覆無定止朝過博浪沙暮入淮陰市張

良未遇韓信貧劉項存亡在兩臣慙到下邳受兵略來

投漂母作主人賢哲棲棲古如此今時亦棄青雲士有

策不敢犯龍鱗竄身南國避胡塵寶書玉一作長劔挂高

閣金鞍駿馬散故人昨日方為宣城客掣鈴交通二千

石有時六博快壯心遶牀三匝呼一擲楚人每道張旭

竒心藏風雲世莫知三吳邦伯皆一作多顧盼四海雄俠

兩追隨一作皆相推蕭曹曾作沛中吏攀龍附鳳當有時漂

陽酒樓三月春楊花茫茫一作漠漠愁殺人胡雛一作人綠眼

吹玉笛吳歌白紵飛梁塵丈夫相見一作到處且為樂槌牛

槌鼓會衆賓我從此去釣東海得魚笑寄情相親

去婦詞

一作顧
况詩

古來有棄婦棄婦有歸處今日妾辭君辭君遣何去本
家零落盡慟哭來時路憶昔未嫁君聞君却周旋綺羅
錦繡段有贈黃金千十五許嫁君二十移所天自從結
髮日未幾離君緬山川家家盡歡喜孤妾長自憐幽閨
多怨思盛色無十年相思若循環枕席生流泉流泉咽
不掃獨夢闕山道及此見君歸君歸妾已老物情惡衰
賤新寵方妍好掩淚出故房傷心劇秋草自妾為君妻

君東妾在西羅幃到曉恨玉貌一生啼自從離別久不
覺塵埃厚嘗嫌玳瑁孤猶羨鴛鴦偶歲華逐霜霰賤妾
何能久寒沼落芙蓉秋風散楊柳以比顯頽顏空持舊
物還餘生欲何寄誰肯相牽攀君恩既斷絕相見何年
月悔傾連理杯虛作同心結女蘿附青松貴欲相依投
浮萍失綠水教作若為流不歎君棄妾自歎妾緣業憶
昔初嫁君小姑纔倚牀今日妾辭君小姑如妾長回頭
語小姑莫嫁如兄夫

| | | | | | | | | |
|--|--|--|--|--|--|--|--|--|
| | | | | | | | | |
|--|--|--|--|--|--|--|--|--|

Handwritten text in the left margin, possibly a page number or header.

1111

欽定四庫全書

御定全唐詩
卷一百六十五

御定全唐詩卷一百六十五